



Broj: 05-23-36539-1/18 ZJ
Sarajevo, 06.12.2018. godine

Na osnovu člana 26. i 28. stav 2 Zakona o Vladi Kantona Sarajevo ("Službene novine Kantona Sarajevo" br. 36/14 - Novi prečišćeni tekst i 37/14 – Ispravka) i poglavlja III tačka 1. i tačka 4. Plana interventnih mjera u slučajevima prekomjerne zagađenosti zraka u Kantonu Sarajevo ("Službene novine Kantona Sarajevo", broj 4/17), Predsjednik Operativnog štaba donosi:

ODLUKU

I

Ukida se Druga epizoda "**Upozorenje**" povećanih koncentracija zagađujućih materija u zraku u Kantonu Sarajevo, donesena Odlukom Operativnog štaba broj 05-23-36539/18 od 04.12.2018. godine.

II

Ostaje na snazi Prva epizoda "**Pripravnost**" povećanih koncentracija zagađujućih materija u zraku u Kantonu Sarajevo.

III

Mjere koje treba preduzimati u okviru epizode "**Pripravnost**" su slijedeće:

- Intenzivirati aktivnosti komunalnih preduzeća i drugih pravnih lica koji vrše redovno (mehaničko čišćenje i pranje cesta), kao i zimsko održavanje cesta uz upotrebu "mokrog postupka", radi smanjenja emisija prašine,
- Pozivaju se pravna lica da u zavisnosti od svojih mogućnosti izvrše pomjerenje početka radnog vremena, kako bi se doprinijelo rasterećenju kapaciteta javnog gradskog prevoza i gradskih saobraćajnica,



- Zabranjuje se kretanje automobila (na potezu Bašćaršija – Ilidža u oba smjera), čiji benzinski motori imaju normu EURO1 ili manju, i dizel motori normu EURO3 ili manju, uz pojačane kontrole organa MUP-a. Ovo se ne odnosi na vozila policije, inspekcije, ministarstva odbrane, javnog gradskog prevoza, javnih komunalnih preduzeća, vozila sa diplomatskim tablicama i vozila hitnih intervencija (civilne zaštite, hitne pomoći i vatrogasaca), taxi vozila, električnih vozila i vozila na plin,
- Zabranjuje se saobraćaj za teretna motorna vozila čija je najveća dozvoljena masa preko 3,5 tone na glavnom gradskom longitudinalnom pravcu na potezu od Bašćaršije do Nedžarića sa preusmjerenjem saobraćaja na alternativne pravce kretanja. Tehnička regulacija saobraćaja za vrijeme zabrane vršit će se privremenom saobraćajnom signalizacijom i opremom, znacima i naredbama koje daju ovlaštena policijska lica MUP-a Kantona Sarajevo. Ovo se ne odnosi na vozila javnog gradskog prevoza, javnih komunalnih preduzeća, vozila hitnih intervencija i dostavna vozila za prehrambene proizvode. Za vrijeme trajanja zabrane saobraćaja, upravitelji cesta su dužni svaki iz svoje nadležnosti izvršiti postavljanje privremene saobraćajne signalizacije i opreme, uključujući i održavanje iste,
- Upozoravaju se pravna i fizička lica da je kažnjivo svako spaljivanje otpada u kućanstvima. U slučaju sumnje na takva nedozvoljena postupanja prijave uputiti na Eko-telefon br. 033/66 00 00 ili telefon Kantonalnog operativnog centra civilne zaštite br: 121, radi daljnjeg djelovanja nadležnih inspekcija općina i Kantona,
- Upozoravaju se operatori svih postrojenja za proizvodnju toplotne energije snage preko 50 kW koja koriste čvrsta goriva i lož ulja, da smanje temperaturu u prostorima koje zagrijavaju za minimalno 2°C,
- Upozoravaju se operatori svih postrojenja za proizvodnju toplotne energije snage preko 1 MW koja koriste prirodni gas, da smanje temperaturu u prostorima koje zagrijavaju za minimalno 1°C,
- Upozorava se stanovništvo da svojim ponašanjem i aktivnostima dodatno ne doprinosi zagađenju zraka,
- Apeluje se na vozače da racionalno i odgovorno koriste privatne automobile,
- Pojačava se inspeksijski nadzor nad gradilištima,
- Upozoravaju se rizične grupe stanovništva za smanjenje kretanja.

IV

Odluka stupa na snagu danom donošenja.

O b r a z l o ž e n j e

Operativni štab Vlade Kantona je na osnovu Plana interventnih mjera u slučajevima prekomjerne zagađenosti zraka u Kantonu Sarajevo («Službene novine Kantona Sarajevo» broj 4/17), na Sjednici održanoj 04.12.2018. godine donio Odluku broj: 05-23-36539/18 kojom se proglašava II epizoda povećanih koncentracija zagađujućih materija u zraku (čvrstih čestica– PM10).




web: <http://mpz.ks.gov.ba>
 e-mail: mpz@mpz.ks.gov.ba
 Tel: + 387 (0) 33 562-029,
 Fax: + 387 (0) 33 562-031
 Sarajevo, Reisa Džemaludina Čauševića 1



Stručno tijelo za koordinaciju i nadzor Plana interventnih mjera je dana 06.12. 2018. godine sačinilo Izvještaj kojim predlaže ukidanje II epizode, te ostajanje na snazi I epizode "Pripravnost". Prijedlog se temelji na činjenici da je mjerenjem vrijednosti zagađujućih materija u zraku utvrđeno da je koncentracija istih značajno smanjena, te da se u naredna 24 sata očekuje stabilna vremenska situacija. U skladu sa Poglavljem III, tačka 4., kojim je propisano "da Predsjednik Operativnog štaba može na prijedlog Stručnog tijela, samostalno ili uz konsultaciju sa Operativnim štabom odlučiti o ukidanju određenih ili uvođenju i primjeni drugih mjera nezavisno od proglašene epizode", Predsjednik operativnog štaba donosi Odluku o ukidanju Druge epizode "Upozorenje", dok na snazi ostaje Prva epizoda "Pripravnost" povećanih koncentracija zagađujućih materija u zraku u Kantonu Sarajevo.

U skladu sa gore navedenim, Predsjednik operativnog štaba Vlade Kantona Sarajevo, odlučio je kao u dispozitivu ove Odluke.



**PREDSJEDNIK
OPERATIVNOG ŠTABA**

Lukić
Čedomir Lukić, dipl. ing. arh.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

